

劉向說苑纂註

八

漢書門			
二	五	〇	三
一	三	〇	三
〇	六	四	三
冊	架	函	號

內閣文庫			
三	二	〇	漢
六	一	〇	書
〇	〇	三	
架	冊	號	類

內閣文庫	
番號	漢 2503
冊數	10 (8)
函號	298 64



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





劉向說苑纂註卷第

十五 草文庫

明 新安 程榮 校

日本 尾張 關嘉 纂註

指武

司馬法曰國雖大好戰必亡天下雖安忘戰必危

仁本篇易曰君子以除戎器戒不虞周易萃卦正義曰除者治也人

既聚會不可无防備故君子於此之時修治戎器以戒備不虞也夫兵不可玩玩

則無威兵不可廢廢則召寇昔吳王夫差好戰而

亡徐偃王無武亦滅徐偃王事見下章故明王之制國也

上不玩兵下不廢武易曰存不忘亡是以身安而

國家可保也周易繫辭曰存而不忘亡治而不

忘亂是以身安而國家可保也

秦昭王中朝而歎曰夫楚劍利倡優拙夫劍利則

士多慄悍倡優拙則思慮遠也吾恐楚之謀秦也

此謂當吉念凶而存不忘亡也卒以成霸焉

王孫厲謂楚文王曰淮南子文王作莊王高徐偃

王好行仁義之道古今人表有徐隱王師古曰卽

國縣東漢東諸侯三十二國盡服矣淮南子作陸地

王若不伐楚必事徐王曰若信有道不可伐也

對曰大之伐小強之伐弱猶大魚之吞小魚也若

虎之食豚也惡有其不得理文王遂興師伐徐殘

淮南子人間訓
文小異

淮南子道應訓
文與此異

之高誘曰偃王於衰亂之世修行仁義不設武備

楚王滅之韓非子晉文公歎曰夫治國者以名

號為罪徐徐偃王將死曰吾賴於文德而不明武

備好行仁義之道而不知詐人之心以至於此夫

古之王者其有備乎

吳起為死守行縣適息死息並地名淮南子作問

屈宜臼曰淮南子屈宜臼作屈宜若高誘王不知

起不肖以為死守先生將何以教之屈公不對居

十年王以為令尹行縣適息問屈宜臼曰起問先

生先生不教今王不知起不肖以為令尹先生試

觀起為之也屈公曰子將奈何吳起曰將均楚

國之爵而平其祿損其有餘而繼其不足厲甲兵以時爭於天下屈公曰吾聞昔善治國家者不變故不易常今子將均楚國之爵而平其祿損其有餘而繼其不足是變其故而易其常也且吾聞兵者凶器也爭者逆德也蓋此古語射繚子兵令亦載此語曰兵者凶器也爭者逆德也事必有本故王者伐暴亂本仁義焉今子陰謀逆德好用凶器殆人所棄逆之至也淫泆之事也行者不利且子用魯兵不宜得志於齊而得志焉吳起為魯將而攻齊大破之起見吳起傳子用魏兵不宜得志於秦而得志焉魏將而擊秦拔五城吾聞之曰非禍人不能成禍吾固怪

說得寒心足為強妄之戒

吾王之數逆天道至今無禍嘻且待夫子也吳起

惕然曰尚可更乎屈公曰不可吳起曰起之為人

謀太室曰語有脫語屈公曰成刑之徒不可更已高誘曰成刑之徒刑禘已子不如敦處而篤行之戒使不楚國無

貴于舉賢太室曰楚國以下教起之語文理不相屬亦有脫語

春秋記國家存亡以察來世雖有廣土衆民堅甲

利兵威猛之將士卒不親附不可以戰勝取功晉

侯獲於韓左傳僖公十五年戰于韓原晉戎馬還

伯秦獲晉侯以歸楚子玉得臣敗於城濮左傳

二十八年楚子玉與蔡不待敵而衆潰左傳莊公十年蔡哀

侯娶于陳息侯亦娶焉息為將歸過蔡蔡侯曰吾
姨也止而見之弗賓息侯聞之怒使謂楚文王曰
伐我吾求救於蔡而伐之楚子從之秋
九月楚敗蔡師于莘以蔡侯獻舞歸故語曰文

王不能使不附之民先軫不能戰不教之卒

軍之佐造父王良善御者不能以敝車不作之

馬趨疾而致遠易說卦震為作足正義曰為作足

足不健昇逢蒙不能以枉矢弱弓射遠中微故強

弱成敗之要在乎附士卒教習之而已

內治未得不可以正外本惠未襲本惠者惠我民

不可以制末是以春秋先京師而後諸夏先諸

華而後夷狄及周惠王以遭亂世繼先王之體而

強楚稱王楚世家楚曰我蠻夷也今諸侯皆為叛

政請王室尊吾號隨人為之周請尊楚王室不聽

還報楚楚熊通怒曰王不加位我自尊耳乃自立

為武諸侯背叛欲申先王之命一統天下不先廣

養京師以及諸夏諸夏以及夷狄及惠主即位奪

兵而征強楚師大敗搏辱不行大為天下戮笑搏

折辱也周大夫邊伯等謀召燕衛師伐惠王幸逢

齊桓公以得安尊惠王十年賜齊桓公為伯故內治未得不可

以正外本惠未襲不可以制末

將師受命者將率入軍吏畢入皆北面再拜稽首

受命天子南面而授之鉞六韜曰若入廟門西面而立君親操鉞持首授將其柄東行西面而揖之示

弗御也西面待賓客之意故受命而出忘其國即戎

忘其家太室曰國當作親聞枹鼓之聲唯恐不勝忘

其身故必死必死不如樂死樂死不如甘死甘死

不如義死義死不如視死如歸此之謂也故一人

必死十人弗能待也十人必死百人弗能待也百

人必死千人不能待也千人必死萬人不能待也

萬人必死橫行乎天下令行禁止王者之師也

田單為齊上將軍興師十萬將以攻翟往見魯仲

連子仲連子曰將軍之攻翟必不能下矣田將軍

曰單以五里之城十里之郭復齊之國言以即墨

餘城何為攻翟不能下去上車不與言決決與訣

不與言決者言攻翟三月而不能下齊嬰兒謠之

曰太冠如箕長劍柱頤攻翟不能下壘於梧丘梧丘

蓋地於是田將軍恐駭往見仲連子曰先生何以

知單之攻翟不能下也仲連子曰夫將軍在即墨

之時坐則織蓐立則杖耒耒與耒同為士卒倡曰宗

廟亡矣魂魄喪矣歸何黨矣黨猶故將有死之心

士卒無生之氣今將軍東有掖之封西有淄上

之事皆然不獨此也

之寶金銀黃帶馳騁乎淄澠之間是以樂生而惡

死也田將軍明日結髮太室曰結髮未詳徑立矢石之所

乃引抱而鼓之翟人下之故將者士之心也士者

將之肢體也心猶與則肢體不用猶與與猶豫同猶獸名印鼻長

尾性多疑聞有聲則豫登木上下不一故謂不決曰猶豫田將軍之謂乎

晉智伯伐鄭齊田恒救之甲恒甲乞之子甲常也有登蓋必

身立焉身在車上不使人親立之車徒有不進者必令助

之壘合而後敢處井竈成而後敢食三略曰軍識日軍井未達

將不言渴軍竈未炊將不言饑智伯曰吾聞田恒新得國而愛其

民內同其財外同其勤勞治軍若此其得衆也不

可待也乃去之耳

太公兵法曰六韜無此大致慈愛之心立威武之戰以

卑其衆卑謂服之練其精銳砥礪其節以高其氣

分為五選簡選兵士有五品也其選未聞之異其旗章勿使冒亂

堅其行陣連其什伍以禁滯非非恐靡字言使什伍之人交禁滯靡

壘陣之次車騎之處勒兵之勢軍之法令賞罰之

數使士赴火蹈刃陷陣取將死不旋踵者多不旋踵言

務勝而不務北也異於今之將者也

孝昭皇帝時北軍監御史為姦穿北門垣以為賈

區穿北門垣漢書作穿北軍壘垣師古曰坐賈曰賈為賈物之區也區者小室之名若今小菴屋

漢書胡建傳

說苑纂注 卷之十五

之類胡建守北軍尉漢書曰胡建字子孟河東人

耳也孝武天漢中守軍正丞貧無車馬常步與走卒起居所以慰愛走卒甚厚

建欲誅監御史乃約其走卒曰師古曰約束也我欲與公

有所誅吾言取之則取之斬之則斬之於是當選

士馬日護軍諸校列坐堂皇上師古曰校者軍之諸部校也室無四

壁曰監御史亦坐建從走卒趨至堂下拜謁因上

堂走卒皆上建跪指監御史曰取彼走卒前拽下

堂拽同拽建曰斬之遂斬監御史護軍及諸校皆愕

驚不知所以建亦已有成奏在其懷漢書懷下有中字遂

上奏以聞曰臣聞軍法立武以威衆誅惡以禁邪

今北軍監御史公穿軍垣以求賈利買賣以與士

市不立剛武之心勇猛之意以率先士大夫尤失

理不公臣聞黃帝理法曰壘壁已具行不由路漢行

書作穿謂之姦人姦人者殺臣謹以斬之昧死以

聞制曰司馬法曰國容不入軍軍容不入國也劉寅曰天

子穆穆諸侯皇皇大夫濟濟士子踴踴揖讓進退

升降跪拜周旋中規折旋中矩此國容也所以不可入於軍

武夫前呵壯士後隨旌旗麾職金鼓笳鈸坐作建

進退分合解結此軍容也所以不可入於國有何疑焉漢書曰有作又師古曰詔建由是名興

後至渭城令死至今渭城有其祠也

魯石公劔迫則能應感則能動物穆無窮或曰物當作物

賈誼服鳥賦注湯穆無窮注湯穆注變無形像復柔委

從擊之妙以如影與響如厖之守戶厖當作如輪厖當作

之逐馬響之應聲影之像形也間不及鞞閭當作

相如上林賦鏗鎗閭鞞呼不及吸足舉不及集相

離若蟬翼太室曰言勝敗尚在肱比肩睫之微比

當作曾不可以大息小以小况大用兵之道其猶

然乎此善當敵者也未及夫折衝於未形之前者

揖讓乎廟堂之上而施惠乎百萬之民故居則無

變動戰則不血刃其湯武之兵與

孔子北遊東上農山太宰德夫曰農當為農漢書地理志作農齊山名韓詩外

家語致思韓詩外傳文各異

傳作子路子貢顏淵從焉孔子喟然歎曰登高望

下使人心悲二三子者各言爾志丘將聽之子路

曰願得白羽若月赤羽若日鐘鼓之音上聞于天

旌旗翩翩下蟠於地王肅曰由且舉兵而擊之必

也攘地千里王肅曰獨由能耳使夫三子為我從

焉太室曰從從者也故下文孔子曰勇哉士卒憤憤

者乎憤憤也子貢曰賜也願齊楚合戰於莽洋之野

兩壘相當旌旗相望塵埃相接戰構兵賜願著

縞衣白冠王肅曰兵凶事陳說白刃之間解兩國

之患獨賜能耳使夫三子者為我從焉孔子曰辨

之患獨賜能耳使夫三子者為我從焉孔子曰辨

哉士乎僂僂者乎僂僂舞貌奉使之形容顏淵獨不言孔子曰

回來若獨何不願乎顏淵曰文武之事子已言之

回何敢與焉孔子曰若鄙心不與焉鄙心者心自鄙也謂過謙

第言之顏淵曰回聞鮑魚蘭芷不同篋而藏家語作薰

猶不同器而藏蘭芷香鮑魚臭堯舜桀紂不同國而治二子之言

與回言異回願得明王聖主而相之使城郭不修

溝池不越王肅曰言無踰越溝池之越不越不深鑿也鍛劍戟

以為農器使天下千歲無戰鬥之患如此則由何

憤憤而擊賜又何僂僂而使乎孔子曰美哉德乎

姚姚者乎正字通姚姚子路舉拳問曰願聞夫子之竟

家語五儀解文
小異

至哉言平庸
君豈戒心曾
當為擴開

子曰吾所願者顏氏之計吾願負衣冠而從顏氏子也

魯哀公問於仲尼曰吾欲小則守大則攻吾欲以

家語作寡人欲吾國小而能守大則攻其道若何仲尼曰若朝廷有

禮上下有親民之衆皆君之畜也君將誰攻若朝

廷無禮上下無親民衆皆君之讐也君將誰與守

於是廢澤梁之禁弛關市之征以為民惠也

文王曰吾欲用兵誰可伐密須氏疑於我可先往

伐史記註應劭曰密須氏姁姓之國瓚曰安定陰密縣是管叔曰不可其君

天下之明君也伐之不義太公望曰臣聞之先王

伐狂不伐順伐嶮不伐易伐過不伐不及文王曰

善遂伐密須氏滅之也

武王將伐紂召太公望而問之曰吾欲不戰而知勝不卜而知吉使非其人為之有道乎太公對曰有道王得衆人之心以圖不道則不戰而知勝矣以賢伐不肖則不卜而知吉矣彼害之我利之雖非吾民可得而使也武王曰善乃召周公而問焉曰天下之圖事者皆以殷為天子以周為諸侯以諸侯攻天子勝之有道乎周公對曰殷信天子周信諸侯則無勝之道矣何可攻乎武王忿然曰汝言有說乎周公對曰臣聞之攻禮者為賊攻義者

為殘失其民制為匹夫

太室曰制猶號

王攻其失民者也

何攻天子乎武王曰善乃起衆舉師與殷戰於牧之野大敗殷人上堂見玉曰誰之玉也曰諸侯之玉即取而歸之於諸侯天下聞之曰武王廉於財矣入室見女曰誰之女也曰諸侯之女也即取而歸之於諸侯天下聞之曰武王廉於色也於是發巨橋之粟散鹿臺之財孔穎達曰紂所積之府倉名曰鹿臺鉅橋則其義未聞散者言其分布發者言其開出互相見也金錢

以與士民黜其戰車而不乘弛其甲兵而弗用縱

馬華山放牛柰林示不復用

史記正義曰華山在華陰縣南八里孔安

國曰桃林在華山東王世貞曰縱馬放牛云者蓋官不復錄為兵車用置之民間所其耕牧而已

天下聞者咸謂武王行義於天下豈不大哉

文王欲伐崇

周本紀曰崇侯虎譜西伯於殷紂曰西伯積善累德諸侯皆嚮之將不利

於帝帝紂乃囚西伯於羑里闕天之徒患之乃求有莘氏美女驪戎之文馬有熊九駟他奇怪物因

殷磬臣費仲而獻之紂紂大悅曰此一物足以釋西伯况其多乎乃赦西伯賜之弓矢斧鉞使西伯

得征伐曰諧西伯者崇侯虎也於是文王欲伐崇先宣言曰余聞崇侯虎

蔑侮父兄蔑無也不敬長老聽獄不中分財不均

百姓力盡不得衣食余將來征之來者據所宜唯言處言也

為民乃伐崇令毋殺人毋壞室毋填井填塞也毋伐

樹木毋動六畜有不如令者死無赦崇人聞之因

請降

楚莊王伐陳吳救之雨十日十夜晴左史倚相曰

吳必夜至甲列壘壞彼必薄我何不行列鼓出待

之列音裂說文分解也言吳見甲裂壘壞必攻何不行列鼓出于壘之外待之吳師至

楚見成陣而還左史倚相曰追之吳行六十里而

無功王罷卒寢太室曰王果擊之大敗吳師

齊桓公之時霖雨十旬桓公欲伐濼陵其城之值

雨也未合修城未合也管仲隰朋以卒徒造於門桓公

曰徒衆何以為管仲對曰臣聞之雨則有事夫濼

陵不能雨不能修臣請攻之公曰善遂興師伐之

既至天卒問外士在內矣天恐夫字間蔽也太室曰猶上章倚相之謀桓公曰其有聖人乎乃還旗而去之太室曰是桓公所以為濼

陵不敗與吳異也

左傳僖公十九年丈小異

宋圍曹不拔司馬子魚謂君曰文王伐崇崇軍其

城三旬不降杜預曰崇崇侯虎退而修教復伐之因壘而

降壘軍壘也言不增兵因舊壘而崇降今君德無乃有所闕乎胡不

退修德無闕而後動

吳王闔廬與荆人戰於柏舉大勝之至於郢郊五

敗荆人以上之事見左傳定公四年柏舉楚地闔廬之臣五人進諫

曰夫深入遠報遠報謂與吳懸絕非王之利也王其返乎

五將缺頭缺斷絕也闔廬未之應五人頭墜於馬前

闔廬懼召伍子胥而問焉子胥曰五臣者懼也夫

五敗之人者其懼甚矣王姑少進遂入郢南至江

北至方城方三千里皆服於吳矣

田成子常與宰我爭田常擊子我事見史記田敬仲世家宰我夜伏

卒將以攻田成子令於卒中曰不見旌節毋起

夷子皮聞之告田成子韓非子曰鴟夷子皮事田成子田成子因

為旌節以起宰我之卒以攻之遂殘之也

齊桓公北伐山戎氏史記齊世家桓公二十三年山戎伐燕燕告急於齊齊桓

公救燕遂伐山戎註服虔曰山戎北狄蓋今鮮卑也何休曰山戎者戎中之別名也請兵於

魯魯不與桓公怒將攻之管仲曰不可我已刑北方諸侯矣今又攻魯無乃不可乎魯必事楚是我一舉而失兩也桓公曰善乃輟攻魯矣

聖人之治天下也先文德而後武力凡武之興為不服也文化不改然後加誅夫下愚不移純德之所不能化而後武力加焉

昔堯誅四凶以懲惡周公殺管蔡以弭亂子產殺鄧析以威侈見共巳孔子斬少正卯以變衆見下佞

賊之人而不誅亂之道也易曰不威小不懲大此小人之福也按易繫辭子曰小人不耻不仁不畏不義不見利不勸不威不懲小德而

大誠此小人之福也與此所引語異○太室曰引易語雖通害于義宜從本文

五帝三王教以仁義而天下變也孔子亦教以仁義而天下不從者何也昔明王有紱冕以尊賢有斧鉞以誅惡故其賞至重而刑至深而天下變孔子賢顏淵無以賞之賤孺悲無以罰之孺悲欲見孔子辭以疾疾故天下不從是故道非權不立非勢不行是道尊然後行

家語始誅篇文略異

孔子為魯司寇孔子年五十六由太司寇攝行相事七日而誅少正卯於東觀之下東觀家語作兩觀門人聞之趨而進至者

不言其意皆一也子貢後至趨而進曰夫少正卯

者魯國之聞人矣名爲魯夫子始爲政何以先誅

之孔子曰賜也非爾所及也夫王者之誅有五而

盜竊不與焉一曰心辯而險家語作心二曰言偽

而辯三日行僻而堅僻與同四曰志愚而博家語作

博五日順非而澤此五者皆有辯知聰達之名而

非其真也苟行以偽則其知足以移衆強足以獨

立此姦人之雄也不可誅夫有五者之一則不

免於誅太宰德夫曰管子法禁篇禮記王制合而

今少正卯兼之是以先誅之也昔者湯誅蠋沐蠋沐

家語作尹諸太公誅潘阝荀子阝作止家語管仲誅史

後世諸國者
往往多此輩
安得渡起聖
人而誅之

附里家語作付里尹文子產誅鄧析家語作子此

五子未有不誅也所謂誅之者非爲其晝則攻盜

暮則穿窬也皆傾覆之徒也此固君子之所疑愚

者之所惑也詩云憂心悄悄愠于羣小詩邶風柏

云悄悄憂貌愠怒也鄭箋此之謂矣此二句家語

云羣小衆小人在君側者斯足憂矣八字

齊人王滿生見周公周公出見之曰先生遠辱何

以教之王滿生曰言內事者於內言外事者於外

今言內事乎言外事乎周公導入王滿生曰敬從

布席周公不導坐王滿生曰言大事者坐言小事

者。倚今言大事乎言小。事乎周公導坐王滿生坐。周公曰先生何以教之。王滿生曰臣聞聖人不言。而知非聖人者。雖言不知。今欲言乎無言乎。周公俛念有頃。不對。王滿生籍筆牘書之曰。社稷且危。傳之於膺。言著之。心曾之。周公仰視見書曰。唯唯。謹聞命矣。明日誅管蔡。史記管叔世家曰。管叔鮮王弟也。母曰太妣。文王正妃也。其長子曰伯邑考。次曰武王發。次曰管叔鮮。次曰周公旦。且次曰蔡叔度。及文王崩而發立。是為武王。武王既崩。成王少。周公且專王室。管叔蔡叔疑周公之為不利於成王。乃挾武庚以作亂。周公且承成王命伐誅武庚。殺管叔而放蔡叔。遷之蔡。叔度既遷而死。

劉向說苑纂註卷第十五終

劉向說苑纂註卷第十六

明 新安 程榮 校

日本 尾張 關嘉 纂註

說叢

王者知所以臨下。所以臨下者道術也。而治衆。治衆者御也。則

羣臣畏服矣。此其効而所以無劫殺之禍也。知所以聽言。所以聽言者道

術受事。受事者御也。則不蔽欺矣。此其効而所以無劫殺之禍也。知

所以安利萬民。則海內必定矣。知所以忠孝。事上

則臣子之行備矣。重說君臣上下之道。凡所以劫殺者。不知

道術以御其臣下也。凡東勝其職。則事治。事治則

利生不勝其職則事亂事亂則害成也

百方之事萬變鋒出或欲持虛或欲持實或好浮

遊或好誠太室曰誠必或行安舒或為飄疾從

此觀之天下不可一聖王臨天下而能一之荀子

斬而齊在而順

意不並銳事不兩隆盛於彼者必衰於此長於左

者必短於右喜夜卧者不能蚤起也夜卧之夜

鸞設於鑿和設於軾鸞和車軾也此章見大戴禮

鸞在軾為和馬動而鸞鳴鸞鳴而和應行之節也

不富無以為大不予無以合親親疎則害失衆則

敗

不教而誅謂之虐不戒責成謂之暴也論語堯曰

責作

夫水出於山而入於海稼生於田而藏於廩聖人

見所生則知所歸矣

天道布順人事取予多藏不用是謂怨府故物不

可聚也

一圍之木持千鈞之屋三十斤五寸之鍵而制開

闔禮記月令修鍵閉也豈材足任哉蓋所居要也

夫小快害義小慧害道小辨害治苟心傷德太政

淮南子主術訓
文小異

淮南子泰族訓

不險淮南子苟蛟龍雖神不能以白日去其輪太

曰去其輪謂飄風雖疾不能以陰雨揚其塵室

邑名勝毋曾子不入勝毋則不入水名盜泉孔子不

飲忍渴於醜其聲也淮南子說山訓不飲盜泉亦

勝毋之間曾子立廉不飲盜泉所謂養志者也

婦人之口可以出走婦人之喙可以死敗史記及

路初見曰桓子既受女樂君臣媼荒三日不聽國

政孔子遂行歌曰彼婦人之口可以出走彼婦人

之謂可以死敗註王肅曰言婦人口不修其身求

之於人是謂失倫不治其內而修其外是謂太廢

車載而危之危之者操策而隨之急期非所以全

也

士橫道而偃四支不掩非士之過有士之羞也邦

君將昌天遺其道大夫將昌天遺之士庶人將昌

必有良子

賢師良友在其側詩書禮樂陳於前棄而為不善

者鮮矣義士不欺心心知善為善而不能仁人不

害生謀洩則無功計不設則事不成賢士不事所

非言不為心不非所事言不非愚者行聞而益固

聞塗聞也一云鄙人飾詐而益野聲無細而不聞

行無隱而不明至神無不化也至賢無不移也俗謂

語語修身之惡

必化風 上不信下不忠上下不和雖安必危求以

必移 其道則無不得為以其時則無不成

時不至不可強生也事不究不可強成也貞良而

亡先人餘殃猖蹶而活先人餘烈猖蹶謂狂也權取

重澤取長才賢任輕則有名不肖任大身死名廢

士不以利移不為患改孝敬忠信之事立雖死而不

悔智而用私不如愚而用公故曰巧偽不如拙誠

此語已見貴德篇偽作詐 學問不倦所以治己也教誨不厭所

以治人也所以貴虛無者得以應變而合時也冠

雖故必加於首履雖新必關於足關貫也葉書儒林傳有此語關

貫作 上下有分不可相倍一心可以事百君百心不

可以事一君故曰正而心而汝也下同又少而言

萬物得其本者生百事得其道者成道之所在天

下歸之德之所在天下貴之仁之所在天下愛之

義之所在天下畏之屋漏者民去之水淺者魚逃

之樹高者鳥宿之德厚者士趨之有禮者民畏之

忠信者士死之衣雖弊行必修頭雖亂言必治時

在應之為在因之為高必因上陵為下必因川澤所伐而當其福

五之所伐不當其禍十之

必貴以賤為本必高以下為基太室曰必期也言期高者必廣其基

期貴者必慎其賤時時時不愼豈得尊貴哉天將與之必先苦之天將

毀之必先累之孝於父母信於交友十步之澤必

有香草十室之邑必有忠士草木秋死松柏獨在

水浮萬物玉石留止飢渴得食誰能不喜販窮救

急何患無有視其所以觀其所使斯可知已乘輿

馬不勞致千里乘船楫不游絕江海絕猶過也乘輿馬以下至

制宅名子足以觀士此見荀子勸學淮南子主術訓智莫大於闕疑行莫大於無悔也

不兼不兼取也賞不倍倍亦兼也忽忽之謀不可為也忽忽無根

惕惕之心不可長也本室曰惕惕不安安也

天與不取反受其咎時至不迎反受其殃蓋是古語齊宣

王亦曰不取天地無親常與善人史記伯夷列傳亦曰或曰天道

無親常與善人天道有常不為堯存不為桀亡荀子天論篇有此語

道作行註揚偉曰天自有常行之道積善之家必

有餘慶積惡之家必有餘殃同易一噎之故絕穀

不食一蹶之故却足不行淮南子脩務訓曰今以

者則是以下飽之故絕穀不食以下蹟之心如天

地者明行如繩墨者章言其行章位高道大者從

事大道小者凶二句見淮南子秦族訓言疑者無犯犯觸也

所涉行疑者無從少有所涉蠹蟻仆柱梁蚊蟲走牛羊劉欽

所涉行疑者無從蠹蟻仆柱梁蚊蟲走牛羊

所涉行疑者無從蠹蟻仆柱梁蚊蟲走牛羊

所涉行疑者無從蠹蟻仆柱梁蚊蟲走牛羊

所涉行疑者無從蠹蟻仆柱梁蚊蟲走牛羊

所涉行疑者無從蠹蟻仆柱梁蚊蟲走牛羊

蚘蚘子也正字通曰蚘蚘同秋間牛馬氣蒸鬱蚘大小集牛馬尾尾至重不能掉此名牛蚘說苑蚘蚘蚘小柱蚘蚘失牛言小能制大也又淮南子作蚘蚘蚘蚘蚘走牛羊

謁問析辭勿應謁問請謁之言析辭未詳或曰析恐祈字怪言虛說勿

稱謀先事則昌事先謀則亡

無以淫佚棄業無以貧賤自輕無以所好害身無以

嗜欲妨生無以奢侈為名無以貴富驕盈喜怒不

當是謂不明暴虐不得反受其賊怨生不報禍生

於福一言而非四馬不能追一言不急四馬不能

及作不當順風而飛以助氣力銜葭而翔以備矰

弋順風以下淮南子脩務訓作夫鴈順風以愛氣弋力銜蘆而翔以備矰式高誘曰銜蘆所以令繳

不得截其翼也

鏡以清明美惡自服衡平無私輕重自得蓬生泉

中不扶自直白沙入泥與之皆黑二句見木戴禮

麻

時乎時乎間不及謀至時之極間不容息勞而不

休亦將自息有而不施亦將自得言將得亡失之道

無不為者無不能成也無不欲者無不能得也衆

正之積福無不及也衆邪之積禍無不見也力勝貧

謹勝禍慎勝害戒勝災為善者天報以德為不善

者天報以禍君子得時如水小人得時如火謗道

古今貧人之病二語道盡

已者心之罪也太室曰謗道已者未詳尊賢已者心之力也

心之得萬物不足為也心之失獨心不能守也子

不孝非吾子也交不信非吾友也食其口而百節

肥灌其本而枝葉茂淮南子泰族訓本傷者枝槁根

深者末厚為善者得道為惡者失道惡語不出口

苟言不留耳務偽不長喜虛不久言不久而敗義士不

欺心廉士不妄取以財為草以身為寶慈仁少小

恭敬耆老犬吠不驚命曰金城太室曰犬吠不驚謂不為衆口所駭

常避危殆命曰不悔富必念貧壯必念老年雖幼少

慮之不早夫有禮者相為死無禮者亦相為死太室

詳曰未貴不與驕期驕自來驕不與亡期亡自至此語

見上踳人日夜願一起類篇踳折足也盲人不忘視知者始

於悟終於諧悟道之不可不諧愚者始於樂終於哀

高山仰止景行行止大雅車輦篇解見上力雖不能心必務

為慎終如始常以為戒戰戰慄慄日慎其事聖人

之正莫如安靜賢者之治故與衆異

好稱人惡人亦道其惡好憎人者亦為人所憎衣

食足知榮辱倉廩實知禮節管子之語江河之溢不過

三日飄風暴雨須臾而畢

福生於微禍生於忽日夜恐懼唯恐不卒

已彫已琢還反於樸樸同凡器未成者皆謂之樸此因雕琢玉而言物必反

復物之相反復歸於本循流而下易以至倍風而

馳易以遠兵不豫定無以待敵計不先慮無以應

卒中不方名不章外不闕禍之門直而不能狂不

可與大任方而不能圓不可與長存慎之於身無

日云云謂無以已之意斷人狂夫之言聖人擇焉

蓋此古語史記淮陰傳曰能忍耻者安能忍辱

者存唇亡而齒寒左傳僖公五年曰諺所謂輔車相依唇亡齒寒者其虞虢之謂也

也河水崩其懷在山言水涯崩而為之所懷毒智者莫甚於

酒留事者莫甚於樂毀廉者莫甚於色摧剛者反

千古所難雖賢者多不免

已於弱太室曰已終也言推富在知足貴在求退

先憂事者後樂先傲事者後憂福在受諫存之所

由也恭敬遜讓精廉無謗慈仁愛人必受其賞諫

之不聽後無與爭舉事不當為百姓謗悔在於妄

患在於先唱

蒲且修繳鳧雁悲鳴逢蒙撫弓虎豹晨嘯蒲且古

者逢蒙學射於羿皆有先中中射者故其精相動而悲鳴號呼河以委蛇委蛇紆行故

能遠山以陵遲陵遲漸慢故能高道以優遊故能化以

委蛇以下至於此德以純厚故能豪太室曰豪言

人之善澤於膏沐言人之惡痛於柔戟柔當作矛荀子榮辱

篇曰與人善言暖於布為善不直必終其曲為醜

不釋必終其惡

一死一生乃知交情一貧一富乃知交態一貴一

賤交情乃見一浮一沒交情乃出是漢霍公罷其門語而無一浮

一沒交情乃出之句由此觀德義在前用兵在後

初沐者必拭冠新浴者必振衣困學紀聞楚辭漁父吾聞之新沐者

必彈冠新浴者必振衣荀子曰新浴者振其衣新沐者彈其冠人之情也荀卿適楚在屈原後豈用

楚辭語歎抑也敗軍之將不可言勇亡國之臣不

可言智東記淮陰侯傳有此語言智作圖存

坎井無鼃鼃者隘也園中無修林者小也小忠太

忠之賊也如豎穀陽進酒於子反此行小小利太

利之殘也自請絕易如終軍自請羈南請入絕難

如秦包胥請救於秦絕難水激則悍矢激則遠賦悍作早劉放

日早讀曰悍疾也師古曰言水之激疾則去盡不能浸潤矢之激發則去遠人激於名

不毀為聲不損聲也下士得官以死上士得官以生

禍福非從地中出非從天上來已自生之

非所言勿言以避其患非所為勿為以避其危非所

取勿取以避其詭太室曰詭未詳非所爭勿爭以避其聲

明者視於冥冥謀於未形太室曰謀於未形之上有脫文聰者聽

於無聲慮者戒於未成世之溷濁而我獨清眾人

皆醉而我獨醒楚辭作舉世皆濁我獨清衆人皆醉我獨醒

乖離之咎無不生也毀敗之端從此興也江河大

潰從蟻穴韓非子喻老千丈之堤以蟻蟻之穴潰山以小陲而大崩

淫亂之漸其變為興言禍不卒生亦必漸水火金木轉相勝

剋謂相剋卑而正者可增高而倚者且崩直如矢者死

直如繩者稱

禍生於欲得福生於自禁聖人以心導耳目小人

以耳目導心

為人上者患在不明為人下者患在不忠人知糞

田莫知糞心端身正行全以至今見亡知存見霜

知冰廣大在好利好利之心廣大宜裁斷之恭敬在事親事親之心

恭敬宜布及之因時易以為仁因道易以達人管於利者

多患輕諾者寡信

欲賢者莫如下人貪財者莫如全身財不如義高

勢不如德尊父不能愛無益之子君不能愛不軌

之民前漢書賈山傳軌事之大者也註軌謂法度故凡不循法度者謂之不軌君不能

賞無功之臣臣不能死無德之君問善御者莫如

馬問善治者莫如民以卑為尊以屈為伸言君子位異尊

其在已者身屈伸其在已者上聖人所因上法於天

君子行德以全其身小人行貪以亡其身相勸以

禮相強以仁得道於身得譽於人

知命者不怨天知己者不怨人人而不愛則不能

仁或曰人佞而不巧則不能信或曰佞言善毋及

身言惡毋及人上清而無欲則下正而民樸來事

可追也往事不可及無思慮之心則不達無談說

之辭則不樂

善不可以偽來惡不可以辭去近市無賈在田無

野二句見太戴禮曾子制言言於市近處行善不

逆旅言當止非仁義剛武無以定天下

水倍源則川竭人倍信則名不達義勝患則吉患

勝義則滅五聖之謀不如逢時五聖者堯舜禹湯周文王辯智

明慧不如遇世有鄙心者不可授授便勢有愚質者

不可予利器多易多敗多言多失

冠履不同藏賢不肖不同位官尊者憂深祿多者

責大積德無細積怨無大德無謂細而不為多少

必報固其勢也

鳥逢鳩鳥說丈不孝鳥也母鳩子百曰羽翼鳩曰

子將安之梟曰我將東徙鳩曰何故梟曰鄉人皆

惡我鳴以故東徙鳩曰子能更鳴可矣不能更鳴

東徙猶惡子之聲

即安往而不
三黜之意

聖人之衣也便體以安身其食也安於腹適衣節食不聽口目

此章已見敬慎篇元出大戴禮

曾子疾病篇又見荀子法行篇

文小異

家語好生篇

曾子曰鷹鷲以山為卑而增巢其上敬慎篇增作層一說增當其所以得者餌也君子苟不求利祿則不害其身曾子曰狎甚則相簡也狎習也近也簡慢忽也莊甚則不親是故君子之狎足以交權莊足以成禮而已曾子曰入是國也言信乎羣臣則留可也忠行乎羣臣則仕可也澤施乎百姓則安可也言以口者關也舌者機也出言不當四馬不能追也口

者關也舌者兵也出言不當反自傷也言出於已不可止於人行發於邇不可止於遠夫言行者君子之樞機樞機之發榮辱之本也易語解見上可不慎乎故蒯子羽曰言猶射也括既離弦雖有所悔焉不可從而追已詩曰白珪之玷尚可磨也斯言之玷不可為也詩大雅抑之篇

蠋欲類蠶蠧蠧欲類蛇正字通蠋與蜀同蟲狀似蠶填首睥目色多青六書正譌

鱣或鱣人見蛇蠋莫不身灑然灑然猶女工修蠶魚

者持鱣不惡何也欲得錢也韓非子曰鱣似蛇蠶似蠶

見蠋則毛起漁者持鱣婦人拾蠶利之所在皆逐為諸淮南子曰蠶與蜀相類而愛憎異也

獸者超非樂之也事之權也

登高使人欲望臨淵使人欲窺何也處地然也御

者使人恭射者使人端何也其形便也

民有五死聖人能去其三不能除其二饑渴死者

可去也凍寒死者可去也罹五兵死者可去也

刀劔矛壽命死者不可去也癰疽死者不可去也

醫書云癰者六腑不和之所生疽者五藏不調

渴死者中不充也凍寒死者外勝中也罹五兵死

者德不忠也壽命死者歲數終也癰疽死者血氣

窮也故曰中不正外淫作外淫作者多怨怪多怨

負石赴淵以下
見荀子不苟篇

怪者疾病生故清淨無為血氣乃平

百行之本一言也一言而適可以却敵

也一言而得可以保國響不能獨為聲影不能倍

曲為直物必以其類及故君子慎言出已負石赴

淵行之難者也荀子淵作河然申屠狄為之

憤而負石自沈於河莊子音義曰殷時人君子不

貴之也非禮義之中也盜跖凶貪名如日月與舜禹並傳

而不息而君子不貴非禮義之中也

君子有五耻朝不坐燕不議此二句見禮記檀弓

於寢大夫坐於下立於下君子耻之居其位無其言君子耻

之有其言無其行君子耻之既得之又失之君子耻之地有餘而民不足君子耻之

君子雖窮不處亡國之勢雖貧不受亂君之祿尊

乎亂世同乎暴君君子之耻也衆人以毀形為耻

君子以毀義為辱衆人重利廉士重名

明君之制賞從重罰從輕書曰罪疑惟輕功疑惟重與其殺不辜寧失不經

經食人以壯為量事人以老為程

君子之言寡而實小人之言多而虛君子之學也

入於耳藏於心行之以身君子之治也始於不足

見終於不可及也君子慮福弗及慮禍百之君子

擇人而取不擇人而與君子實如虛有如無

君子有其備則無事君子不以愧食謂餓者不食嗟來之食之類

類不以辱得謂子思不忍以身為溝壑辭狐白之裘之類君子樂得其

志小人樂得其事君子不以其所不愛及其所愛

也謂不以土地之故糜爛其民之類

君子有終身之憂而無一朝之患二句孟子語順道而

行循理而言喜不加易怒不加難太室曰易難猶早晚

君子之過猶日月之蝕也何害於明小人可也猶

狗之吠盜狸之夜見何益於善此二句淮南子作猶狗之晝吠鳴之

夜見曰張儀蘇秦家無常居身無定君約從衡之事傾覆之謀濁亂天下撓滑諸侯使百姓不逞

淮南子秦族訓
文小異

欽定四庫全書 卷之十一

啓或從或橫或合眾弱或輔富強此異行而歸於醒者也故君子之過也猶日月之明何害於明人之可也猶狗之書吠夫智者不妄為勇者不妄

殺

君子比義農夫比穀事君不得進其言則辭其爵

不得行其義則辭其祿人皆知取之為取也不知

與之為取之政有招寇行有招耻弗為而自至天

下未有也史記管仲傳曰故曰知與之為取政之寶也索隱曰老子云將欲取之必固與之此

知此為政之所寶

猛獸狐疑狐姓多疑故謂惑不若蜂蠆之致毒也

蓋此古語史記淮陰侯傳亦曰故曰猛虎之猶豫不若蜂蠆之致毒高議而不可及

宋儒往往犯此病

不若卑論之有功也

秦信同姓以王或曰秦王同姓未聞也至其衰也

非易同姓也而身死國亡故王者之治天下在於

行法不在於信同姓

高山之巔無美木傷於多陽也大樹之下無美草

傷於多陰也

鍾子期死而伯牙絕絃破琴知世莫可為鼓也事已

見尊賢篇高誘曰鍾官氏子通稱期名也達於音津伯牙楚人觀世無有知音若子期者絕絃破其

也琴惠施卒而莊子深嘆不言說文嘆不言淮南子作寢

言見世莫可與語也高誘曰惠施宋人仕於梁為

說見世莫可與語也惠王相莊子名周宋蒙縣人

論衡卷之十一
作二十二篇
為道家之言

脩身者智之府也愛施者仁之端也取予者義之

符也太室曰見取與之際耻辱者勇之決也太室曰決

猶立名者行之極也

進賢受上賞蔽賢蒙顯戮古之通義也爵人於朝

論人於市古之通法也

道微而明淡而有功非道而得非時而生是謂妄

成得而失之定而復傾

福者禍之門也承上章得而失之是者非之尊也太室曰尊猶第

治者亂之先也急此三者則必及其所欲事無終始而患不

及者未之聞也

枝無忘其根德無忘其報見利必念害身故君子

留精神寄心於三者吉祥及子孫矣

兩高不可重兩大不可容兩勢不可同兩貴不可

雙夫重容同雙必爭其功故君子節嗜欲各守其

足乃能長久太室曰君子處兩高者夫節欲而聽諫敬賢而

勿慢使能而勿賤為人君能行此三者太室曰人君居兩高

之上其國必強大而民不去散矣

默無過言慤無過事木馬不能行亦不費食騏驎

日馳千里鞭箠不去其背

說苑卷之十一

卷之十一

七

寸而度之至丈必差銖而稱之至石必過石稱丈

量徑而寡失解見正諫篇簡絲數米煩而不察高誘曰言當因

也大法如簡閱絲數米則煩而無功也故大較易為智曲辯難為慧略

吞舟之魚蕩而大木制於螻蟻者離其居也摩竭魚生海中

其口可以容舟列子曰猿猴失木禽於狐貉者非

其處也淮南子猿猴作狸騰蛇遊霧而升騰蛇淮南子作

騰蛇是也爾雅註騰蛇龍類能興雲霧而遊其中也騰龍乘雲而舉騰龍淮南子作

應龍變庸間評曰凡龍之有翼者曰應龍見東觀餘論曰應龍之興雲霧滄然而隨猿得

木而挺挺身特立也淮南子挺作楚魚得水而驚驚疾也處地

宜也

君子博學患其不習既習之患其不能行之行之患其不能以讓也

君子不羞學不羞問問訊者知之本念慮者知之

道也此言貴因人知而加知之不貴獨自用其知

而知之天地之道極則反滿則損五采驩眼有時而渝茂

木豐草有時而落物有盛衰安得自若民苦則不仁勞則詐生安平則教危則謀極則反

滿則損故君子弗滿弗極也

